



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Praelatus.

urn:nbn:de:hbz:466:1-30427

9 SECVLARES & mulieres, licet possint hortari sededo: vt abbatissa, & priores societatum, non tamen predicare formaliter, etiã cum licentia Episcopi, maxime mulier: quia officium hoc virile est: secundum Panor. in c. noua. de pœni. & remiss.

10 QVANDO aliquis est valde ignorans de necessarijs ad credendum, vel operandum, & habet commoditatem eundem ad prædicationem, vbi huiusmodi declarantur, videtur mortaliter peccare si nõ vadit: quia salutem animæ negligere videtur. Si autem vltra hoc committit, manifestè mortaliter peccat. Christus prædicauit annis tribus, & quasi mensibus tribus, & vixit annis 33. & mensibus tribus: secundum Tho. 3. part. q. 39. a. 3.

PRÆLATVS.

Prælati dicitur communiter quisquis habet curam animarum. c. iua. de cleri. agrot. proprie verò, nomine prælati veniunt maiores habentes prerogatiuam sine iurisdictione: vt plebanus, decanus, archipresbyter, & consimiles. de form. com. c. Romana. in 6. proprijsimè autem habentes iurisdictionem. c. 2. de iudi. iuncta glo. & in c. dudum. de sepul. § in ecclesijs. qui prælati à collegio eliguntur, & per electionem iurisdictionem accipiunt in collegio: secundum Innoc. in c. cum ab ecclesijs. de of. or. Requiritur ergo primò electio, & confirmatio per superiorè, vel quòd præferatur ipsi collegio per superiorem habentem potestatem. c. nihil de elect. Secundò, quòd vniuersitas, vel collegium, quod ipsum elegit, sit clericorum, vel religiosorum: quia alias non potest dare iurisdictionem in personas ecclesiasticas: secundum Inno. Tertio, quòd iste electus sit clericus: quia aliter iurisdictioni spirituali in eum non caderet. vt in c. cum causam. de præscrip. Quarto, quòd habeat iurisdictionem ordinariam in foro contentioso excommunicandi. Vnde priores mendicantium, & aliorum ordinum, sunt hoc modo proprie prælati, & possunt esse conseruatores. supra, Conseruator. §. 2.

2 NEGLIGENTIA prælati in omni sione necessariorum ad eius officium: vt in visitatione, correctione, & huiusmodi, est peccatum: secundum gloss. in c. ea quæ. de off. archi. & tenetur nõ solum de dolo, & lata culpa, sed etiam de leui culpa, de damno ecclesiarum, & fortius animarum: secundum Hosti. in d. c. ea quæ. De alijs prælatorum peccatis, vide ver. Episcopus per totum, permissio, negligentia, correctio. §. 10. & 11.

3 PRÆLATVS non tenetur venia à subdito petere, etiam quòd excessiuit in eius correctione, ne eius auctoritas eneruetur. d. 86. c. quoniam. & secundum Aug. in regula.

4 PRÆLATVS obligans ecclesiam pro alienis debitis, ipso facto est suspensus ab administratione spiritualium, & temporalium: eodem modo si alienat pro alienis debitis, non autem si pro proprijs, & si sic suspensus celebrat, non efficitur irregularis: secundum Panor. in ca. 2. de solu. quia non est suspensus ab ordine, sed ab administratione. quamuis Hosti. oppositum teneat & malè. Potest tamen mutare, & facere elemosynam pauperibus, quando abundat: secundum Panor. ibidem. quia bona ecclesie superflua sunt pauperum, ideo si eis dentur, non est malum.

5 PRÆLATVS non tenetur omnibus placere, imò non potest, & quanto iustior, tanto minus potest: secundum Panor. in c. qualiter & quando el. 2. de accusa. Quomodo potest eligere sibi confessorum. supra, Absolutio. §. 14. vide de hoc in ver. alienare. §. 3. An hereditatem possit repudiare seu legatum. supra, Alienatio. §. 17.

PRÆSCRIPTIO.

PRÆSCRIPTIO, & vsucapio importat acquisitionem dominij per continuam possessionem temporis à lege definiti, auctoritate legum vim capiens, pœnã negligentibus inferens, & finem litibus imponens. ff. de vsuca. lib. 3. Nec est contra ius naturale, imò rationi consonum, quia negligentes punit, & terminat lites. Cum autem est